



四庫全書

第一四〇冊

四庫全書

●上海古籍出版社

本冊目次

五
卷目

禮

通

考
錄
首

(六)

清

泰

意

田

撰

.....

一

欽定四庫全書

經部
五禮通考卷二百一

詳校官侍郎臣劉躍雲

給事中臣溫常綏覆勘

總校官進士臣繆琪

校對官中書臣李奎

謄錄監生臣徐紹城

欽定四庫全書

五禮通考卷二百一

刑部尚書秦蕙田撰

嘉禮七十四

體國經野

蕙田案周禮六官之職皆冠以辨方正位體國

經野而夏官職方氏掌天下之圖以掌天下之

地著其疆域山川數川浸人民畜牧之事最詳朱

欽定四庫全書

五禮通考
卷二百一

子儀禮經傳王朝禮有制國建侯二篇蓋亦為

國以禮之一鉅典也第古今沿革既多載籍浩衍

虞書九共先儒以為九邱其篇軼至今虞書禹

貢周禮及史記河渠書班史地理志而下列代史

志以及桑氏欽水經杜氏佑通典元和郡國志靈

宇記鄭氏輟通志馬氏端臨通考王氏應麟通釋

下至各省府州縣志書並遊覽記載之語不可勝

數其言猶河漢而無極也近代為專家之學者有

胡氏渭閻氏若璩黃氏儀研精地理於經皆有著述其功賢於曩哲今為舉其要領自虞十二州夏禹貢商九有周職方春秋三傳凡地之見於經者集諸賢之說略為箋疏以通古今之郵而禹貢以山川定疆界為萬世不可易之書其中如九河三江九江黑水等論議紛如有闢經義而導河一節尤為列代治河之祖特詳著之秦漢而下史志無缺第摘

欽定四庫全書

五禮通考
卷二百一

三

其統要以見於後云

書舜曲肇十有二州封十有二山濬川

傳禹治水之後舜分冀州為幽

州并州分青州為營州始置十二州封大也每州之名

山殊大者以為其州之鎮有流川則深之使通利疏

禹貢治水之時猶為九州今始為十二州知禹治水之

後也以境界太遠始別置之周禮職方氏九州之名有

幽并無徐梁益并山川於禹貢冀州之域知分冀州

之域為之也爾雅釋地燕曰幽州齊曰營州齊即青州

之地知分青州為之於此居攝之時始置十有二州蓋

終舜之世常然宣三年左傳云昔夏之方有德也貢金

九州其名蓋如禹貢

九牧則禹登王位還置

朱子曰舜攝帝位命禹平水土以冀青地廣分冀東

恒山之地為并州恒山在今直隸真定府定州曲陽縣西北百四十里并州直隸真定府

保定府山西太原府境是又東北醫無閭之地為幽州醫無閭在盛

京廣寧縣西五里幽州今直隸順天永平府及遼東之廣寧又分青州東北遼東

之地為營州遼東地在遼水東也營州即遼東定遼等衛

胡氏渭曰舜曲肇十有二州傳禹治水之後舜分冀

州為幽州并州分青州為營州始置十二州正義云

以境界太遠始別置之馬融曰禹平水土置九州舜

以冀州之北廣大分置并州燕齊遼遠分燕置幽州

分齊為營州於是為十二州見史記集解鄭康成曰舜以

青州越海分齊為營冀州南北太遠分衛為并燕以

北為幽金氏通鑑前編曰九州之來舊矣而冀為其

北自陶唐都冀其聲名文教自冀四達冀之北土所

及固廣矣及水土既平人民加聚於是分冀州自衛

水以北為并州營無閭之地為幽州碣石以東接青

州之北為營州是為十二州焉考詩書傳記所紀其

後復為九州蓋九州為正而幽并營不過分統青冀

欽定四庫全書

五禮通考
卷二百一

三

之故地是以殷之制分并為幽合青為營分梁以入于雍荆周之制合梁為雍合徐為青而并與幽冀復三馬略見爾雅詳見職方氏所記職方幽州其山鎮曰醫無閭其川河滂并州其山鎮曰恒山其川庫池嘔夷然則營州其山碣石其川遼水與渭案庫池即衛水嘔夷即恒水也康成云分衛為并殊不分明通曲指為衛水以北而金氏因之復舉恒山庫池以證尤確若以為康叔所封之衛則并冀當以衡漳為界

入曰日知錄曰幽并營三州在禹貢九州之外先儒謂以冀青二州地廣而分代之治非也幽州今涿易則北至塞外之地并則今之山皆不載之禹貢故唐得而詳然而蓋稷之書謂朔成五服至于五千則冀方北不應僅數百里而止遼史地理志言幽州在瀋陽之間并洪水有代朔營州東暨遼海營衛志言冀州以南并洪水之寔後唐始制城郭其人土著而居并營以北勁風多寒隨陽遷徙歲無寧居曠土萬里或其說之有所本也劉三吾書傳謂因高山大川以為攷之意蓋幽并營三語皆傳謂因高山大川以為攷之謂當與幽并持論及此事百詩曰寧人著書言所

在今桑乾河以北至山後諸州并在今石嶺關以北

在豐勝二州營在今遼東大字並有塞外之地并蓋

至此士有先儒謂以冀州地廣而分者殆非子時同
客太原而資之曰此不過從肇者始也臆度耳其實
北禮職方里并州其澤數曰昭余初在今今休縣東
周二十二里俗名鄆城泊吾與君所共游歷者非石
嶺閭以南乎且亦知先儒之釋經苦心處乎知分冀
東恒山之北為并州則以周并州鎮曰恒山故知分冀
冀東北醫無閭之地為幽州則以周幽州鎮曰醫無
閭故又知分青東之遼東等處為營州則以商雅釋
地齊曰營州故也然微周禮爾雅二書欲于禹九
州外攷舉舜三州之名且不可得況疆理所至哉鄭
康成云舜以青州越海分置營州皆地理想然以
青之分而為營以避其獨漢光武以遼東等郡為
故別置一州以明嘉靖十三年改遼陽附順天鄭武
後還幽州與明嘉靖十三年改遼陽附順天鄭武
略同蓋古今情形亦不相遠云今案恒山序池嘔夷
皆并之山川而並載于禹貢安得謂其地非冀域自

蕙田案漢地理志云黃帝旁行天下方制萬里畫野分州得百里之國萬區帝王世紀云

冀亮青徐荆揚豫梁雍顓帝所建帝嘗受焉

通曲宗其說亦謂顓帝置九州其說不見於

經然祭法云共工氏之霸九州也其子曰后

土能平九州則九州之名由來已久然刑書

斷自唐虞故今以舜十二州為首至淮南陸

形訓所稱天地之間九州東南神州曰農土

正南次州曰沃土西土戎州曰滔土正西畀

州曰并土正中冀州曰中土西北台州曰肥

欽定四庫全書

五經通考
卷二百一

六

土正北濟州曰成土東北薄州曰隱土正東

陽州曰申土周禮疏亦云自神農以上有大

九州桂州迎州神州之等至堯帝以來德不

及遠惟於神州之內分為九州此與騶衍說

中國名為赤縣神州赤縣神州內自有九州

中國外如赤縣神州者九有裨海環之一區

中為一州如此者九乃有大瀛海環其外之

說相似皆儒者所弗道今西洋人所繪坤輿

全圖準南北極黃赤道度數渾圓之內海外

之地正與淮南騶衍之義同莊子云存而不

論可謂善於持論者矣

地理通釋帝堯都世紀帝堯始封於唐今中山唐縣

是也堯山在焉

即縣志定州唐縣古唐侯國堯山水初封於此今定州北有古唐城

在西北入唐河

南有望都縣山即堯母慶都之所居也相去五十里都山一名巨山北登

堯山南望都山故名縣曰望都地理志堯山在唐縣

南張晏以堯山在唐縣北望都北史記堯山在唐縣

欽定四庫全書

五經通考
卷二百一

七

之域通志今平定軍有及為天子都平陽於詩風為

唐國武王子叔虞封焉季札聞唐之歌曰思深哉其

有陶唐氏之遺民乎括地志今晉州所治平陽故城

是也輿地廣記晉州臨汾縣本平陽隋改平陽河水一名晉水韋昭云陶唐皆國名或曰堯先居

陶後居唐陶今唐濟平定陶縣唐今中山府唐縣猶

有唐城存焉或曰唐城在絳州翼城西二里括地志

定州唐縣堯後所封漢書音義唐今河東永安去晉

四百里即頭也詩譜曰唐帝堯舊都之地今曰太原
晉陽堯始居此書惟彼陶唐有此冀方正義堯都平陽舜都蒲坂禹都安邑相去不盈二百皆在冀州道志曰自開闢以來皆河南建都雖黃帝之都堯舜禹之都於今皆

為河北在昔皆為河南大河故道自碣石入海碣石
今平州也所以幽蔚之邦冀并之壤皆為河南地周
定王五年以後河道埋塞漸移南流至漢元
光三年徙從順邱入渤海渤海今濱滄閭也

帝舜都史記舜耕歷山書帝初于歷山往于田郡國志河東蒲坂有雷首山注蒲縣

南二十里有歷山舜所耕處括地志蒲州河中有
東縣雷首山亦名歷山南有舜井又越州餘姚縣有
歷山舜井濮州雷澤縣有歷山舜井又有姚墟云生

舜處未詳也南豐曾氏曰鄭康成釋歷山在河東世
之好事者因姚墟水出於雷首遂就附益謂歷山為雷

首之別號不攻其實矣孟子謂舜東夷之人則陶漁
在濟陰作什器在魯東門就時在衛耕歷山在齊皆

東方之地合於孟子圖記謂齊之南山為漁雷澤括
歷山舜所耕處故其城名歷城今濟南府為漁雷澤地

欽定四庫全書

五經通考
卷二百一

志禹夏澤在濮州雷澤縣郭外西北鄭康成云在濟
陰地理志禹貢雷澤在濟陰成陽縣西北墨子曰舜

漁于濮澤澤通典澤州陶河濱皇甫謐曰濟陰定陶西
陽城有濮澤水陶陶南陶邱亭是也今廣濟

軍括地志陶城在蒲州河東縣北三十里作什器於
即舜所都也南去歷山不遠何必定陶

壽邱壽邱在魯東門之北今在兗州曲阜就時於負
壽邱壽邱在魯東門之北今在兗州曲阜就時於負

夏孟子云遷於負夏堯曲璫降二女于媯汭媯水名
鄭康成云衛地

中府河東縣源出歷山入河爾雅水北曰汭括地志媯
本曰媯居媯內城中西城或言媯墟在西北舜所

居也通典金州西城縣有媯墟帝王世紀謂之姚墟
世本曰饒汭古文尚書周語廬內音媯汭括地志又
云姚墟在濮州雷澤縣東十三里會稽舊記云上虞

三十里有姚嬪于虞括地志故虞城在陝州河北
即舜所生也嬪于虞縣東北五十里虞山之上今

平陸縣皇甫謐曰堯以二女妻舜封於虞今河東大
陽山西虞城是也舜居虞地以虞為氏郡國志大陽

有吳山上有虞城括地志宋州虞城縣舜世紀舜所
後所封外紀本虞虞之媯汭號曰有虞氏世紀舜所

營都或言蒲坂即河東縣今河中有蒲坂故城是也或言平
陽今晉州城是也或言蒲今

谷媯州城是也外紀都蒲坂
右虞十二州

書禹貢敷土隨山刊木冀高山大川傳洪水汎濫禹
土隨行山林斯木通道高山五岳

大川四瀆定其差秩祀禮所視
欽定四庫全書
五經通考
卷二百一

蔡氏集傳數分也分別土地以為九州也冀定也定
高山大川以別州境也

冀州

鉅指傳曰堯所都也正義曰史傳皆云堯都平陽五
子之歌云惟彼陶唐有此冀方是冀州堯所都也又

曰兖州云濟河自東河以東也豫州云荊河自南河
以南也雍州云西河自西河以西也明東河之西西

河之東南南河之北是冀州之境也

地理今釋冀州今山西之太原平陽汾州潞安大同
五府澤遼沁三州直隸之順天永平保定廣平順德
宣化六府及真定河間二府西北境大名府濬縣西
境盛京之錦州府河南之懷慶衛輝彰德三府其北
直抵塞外陰山下之北東訖於大遼水也

胡氏渭曰堯都平陽今山西平陽府臨汾縣西南平
陽故城是也 冀西距河河自今塞外東受降城南

而東至山西大同府廢東勝州界折而南經平虜衛

欽定四庫全書

五禮通考
卷二百一

十

及太原府之河曲保德興縣汾州府之臨縣永寧寧
鄉石樓平陽府之永和大寧吉州鄉寧河津榮河臨
晉蒲州是為西河與雍分界 冀南亦距河河自蒲
州過雷首山折而東經芮城平陸垣曲及河南懷慶
府之濟源孟縣溫縣武陟衛輝府之獲嘉新鄉汲縣
是為南河與豫分界 冀東亦以河與兗分界自周
定王五年河徙之後禹河故道埋廢而冀兗之界難
分今案漢志魏郡鄴縣下云故大河在東句北入海

故大河者即王橫所云禹之行河水本隨西山下東

北去者也河自汲縣南東北流至黎陽縣西南出大

伾上陽三山之間大伾山一名黎陽山今在濬縣東
南二里即賈讓所謂東山也枉入

山一名善化山在縣西北二十五里濬縣舊志云在
俗名上陽三山即賈讓所謂西山也

縣西十里蓋禹迹也河徙由縣東故
稱此為西河自此而北歷蕩

陰安陽鄴縣斥邱東接內
黃魏縣至列人斥章之境左會衡

漳經所謂北過降水也應劭曰斥章縣漳水出治北
入河杜佑曰漳水橫流至肥

鄉縣界入河斥章今曲周縣地肥鄉漢
列人縣地蓋漳水由二縣境注於河也河自此東北

欽定四庫全書

五禮通考
卷二百一

十一

入海及定王時南徙則衡漳東出循河故道而下至

東光縣西與大河合王莽時河益徙而南漳水遂專

達於海蓋禹河之故道也以今輿地言之濬縣屬直
隸大

名湯陰安陽臨漳並屬河南
彰德府成安肥鄉曲周並屬直
隸廣平

府平鄉廣宗鉅鹿並屬順
德府南宮新河冀州並屬真
定府東

鹿屬保定府深州衡水武邑武強並屬真
定府阜城獻縣交河

滄州青縣靜海天津並屬河
間府皆禹時冀東瀕河之地

中流與兗分界王制謂之東河北播為九河其經流

爾雅謂之徒駭又同為逆河東至碣石入海後世謂之渤海者也

蕙田案冀之東南皆距河與雍豫究分界處胡氏考之詳矣若冀之東北與青分界及冀之北境則傳記俱無可考胡氏謂遼東為青域遼西為冀域而北當至陰山近是

既載壺口治梁及岐

錐指傳曰壺口在冀州梁岐在雍州從東循山治水

欽定四庫全書

五禮通考
卷一百一

十三

而西正義曰漢書地理志云壺口在河東北屈縣東南梁山在左馮翊夏陽縣西北岐山在右扶風美陽縣西北然則壺口西至梁山梁山西至岐山從東而向西書之也

地理今釋壺口今山西平陽府吉州西南七十里在壺口山並河之水注其中如壺然案孔傳梁岐在雍州今陝西西安府韓城縣西北九十里之梁山鳳翔府岐山縣東北四十里之岐山也蔡傳疑雍州之山

不當載於冀州指今山西汾州府永寧州東北之呂梁山一名骨脊山者為梁山汾州府孝義縣西之狐岐山一名薛頤山者為岐山然二山去河甚遠不得謂河水所經曾收云壺口梁岐一役也其施功皆同時不可分言於二州故并言於冀州得此可釋蔡氏之疑

胡氏渭曰吉州漢北屈韓城則夏陽岐山則美陽也

尸子呂氏春秋淮南子皆言龍門未闢呂梁山鑿河

欽定四庫全書

五禮通考
卷一百一

十三

出孟門之上龍門之上口為孟門在今吉州山西直陝西延安府之宜川縣其下口即今河津縣壺口山盡處近世亦謂之龍門者西與韓城之龍門相對上口至下口約一百六十餘里三子所稱呂梁山即禹貢之梁山也春秋成公五年梁山崩公羊曰梁山河上山穀梁曰壅遏河三日不流水經河水南至龍門口注云昔大禹導河積石疏決梁山謂斯處也即經所謂龍門矣冀州有三壺口一在吉州西南禹貢

欽定四庫全書

五柳通考
卷二百一

十四

之壺山也

元和志誤以此山為治梁之梁

壺口山漢志在壯屈縣

東南括地志云在吉昌縣西南五十里吉昌今吉州

也後魏延興四年於此置定陽郡及縣元和志云北

屈故縣在定陽郡二十里正今州直北之地山當在

其西南漢志云東南誤也梁山漢志在夏陽縣西北

而諸志所言皆不同蓋是山綿亘百里自今郃陽縣

西北抵韓城縣西北之麻線嶺皆梁山然向南則益

西而去河愈遠唯韓城西北之山首枕西河北連龍

門當以是為禹鑿之跡耳

之壺口也一為汾陰縣西南之平山平水所出亦名

壺口山又名姑射山酈道元謬以為尚書之壺口一

在長治縣東南左傳哀四年齊國夏伐晉取壺口杜

注潞縣東有壺口關潞縣即今潞城縣關以山為名

此二山皆非禹貢之壺口也雍州有二梁山一在韓

城縣西北詩所云奕奕梁山也一在乾州西北西南

接岐山縣界即孟子云太王居邠踰梁山者非禹貢

之梁山也

欽定四庫全書

五柳通考
卷二百一

十五

其壑乎則此亦統言壺口既載而呂梁孤岐

諸山亦經略而整理之不必專以治河為言

也即專主治河亦不必專以河岸之山為事

也即如其說梁山枕河而岐山在鳳翔則去

河亦已遠矣河獨呂梁孤岐宜以遠河為嫌

耶

既修太原至於岳陽

雖指傳曰高平曰太原今以為郡名岳太岳在太原

西南山南曰陽正義曰太原原之大者漢書以為郡

蕙田案胡氏考梁岐在雍州較蔡傳為優

觀承案治梁及岐仍以冀州之呂梁孤岐二

山為是方序冀州不應越冀而攬入雍州之

山也夫治水施功當自下流始則宜首事於

兗因尊帝都故失冀而下文即次以兗可徵

何得既尊帝都條爾突入雍州上游吾恐下

流未洩而上游之水忽來則帝都都不將反為

其壑乎則此亦統言壺口既載而呂梁孤岐

名即晉陽縣是也下文導山云壺口雷首至於太岳
知此岳即太岳也地理志河東縣有霍太山周禮
職方氏冀州其山鎮曰霍山即此太岳是也

地理今釋太原即晉陽縣也今山西太原縣是東北
去太原府治四十里蔡傳以為今河東路太原府者
亦統同言之也岳陽太岳一名霍太山今為中鎮在
山西平陽府霍州東三十里山周二百餘里南接岳
陽趙城二縣北接靈石縣東接沁源縣界

欽定四庫全書

五種通考
卷二百一

十六

胡氏渭曰岳陽就附近山南者言之則為今岳陽趙
城二縣蔡氏手岳陽一縣固非然經之所指亦不止
此二縣揚雄冀州牧箴曰岳陽是都則堯都平陽亦
岳陽也且如華山之陽附近者為商州而山南之地
非商州所可盡衡山之陽附近者為衡陽縣而荆之
南界非此縣所可盡至若岷山之陽更不知其所屬
安得專指灌縣為岷陽哉夫岳陽亦猶是也直抵南
河又何疑焉

閻氏若璩曰後至於太岳專指山言此至於岳陽陽
字所包者廣蓋既修太原二句直舉一千餘里用功
而言也

蕙田案岳陽胡氏閻氏之說是

覃懷底績至於衡漳

雖指傳曰覃懷近河地名漳水橫流入河從覃懷致
功至橫漳正義曰地理志河內郡有懷縣在河之北
蓋覃懷二字共為一地故云近河地名衡即古橫字

欽定四庫全書

五種通考
卷二百一

十七

漳水橫流入河故云橫漳漳在懷北五百餘里地理
志清漳水出上黨沾縣濁漳水出長子縣東至鄴縣
入清漳

胡氏渭曰懷縣故城在今河南懷慶府武陟縣西衡
漳一名降水其入河在今直隸廣平府肥鄉曲周二
縣界經所謂北過降水者也漢志鄴縣東有故大
河北入海又廣平斤章縣注應劭曰漳水出治北入
河道曲云衡漳入河在肥鄉縣界蓋河由鄴東而北

漳從鄴北橫流至肥鄉斥漳二縣界入河故酈氏以

為禹貢之衡漳也以今輿地言之濁漳水出山西長

子縣發鳩山縣在潞安府西東流經長治縣西又東

北經屯留潞城襄垣黎城平順又東經河南林縣至

涉縣東南清漳水注之清漳出山西樂平縣沾鎮縣在

太原府平定州東南五十里縣西南有沾縣故城南流經和順遼州黎城又

東經河南林縣至涉縣與濁漳合流東經安陽彰德

臨漳在府東北又東北經直隸成安縣在廣平府西

欽定四庫全書

五體通考
卷二百一

入肥鄉曲周二縣界肥鄉在府東南四十里禹貢之

漳降盡於此矣

地理今釋覃懷今河南懷慶府地道典云懷州禹貢

覃懷之地是也衡漳清漳水出今山西太原府樂平

縣西南三十里沾嶺水經注所謂少山大龜谷也東

南至河南彰德府涉縣交漳口會濁漳水又東北流

入直隸界至廣平縣分二支一支東行入衛河一支

為經流東北行經山東邱縣界復分二支一支北行

入大陸澤一支為經流東北行經直隸清河阜城交

河至青縣合衛河北流至天津西沽合桑乾諸水東

行入海所謂老漳河也其一支入大陸者亦東北行

至天津西沽合諸水入海所謂新漳河也濁漳水出

今山西潞安府長子縣西五十里發鳩山亦東南流

至交漳口會清漳

觀承案衡漳有清濁二水濁漳出山西長子

縣西五十里之發鳩山清漳出山西樂平縣

欽定四庫全書

五體通考
卷二百一

十九

西南二十里之少山皆經潞安府入河南彰

德府至臨漳縣合流為交彰口由磁州入直

隸境陸清獻籤輔地圖記謂漳河自磁州三

臺口為二支一支東流入成安縣逕肥鄉抵

曲周合滏陽河一支北流入邯鄲縣逕永年

至曲周合滏陽河歷雞澤平鄉任縣隆平寧

晉至冀州滏漳泛河康熙中漳河南徙惟漳

滏滏流今成安故漬土人稱古漳河而廣平

邱縣清河南宮武邑武強阜城交河皆有漳
河舊漬稱老漳河廣宗鉅鹿亦有漳河舊漬
稱小漳河大抵古漳河老漳河皆當日之經
流而小漳河則其支流也又大名府有新舊
二漳河皆自魏縣流入新漳又舊漳之支流
也

又案舊時漳河自臨漳縣東北入直隸廣平
府境歷成安廣平肥鄉曲周雞澤還平鄉合

欽定四庫全書

五體通考
卷二百一

五

沙洛諸河過南河合滹河至任縣入大陸澤
歷隆平寧晉新河南宮冀州衡水武邑武強
阜城交河合漳沱河此其經流也其自臨漳
縣東入直隸大名府境歷魏縣大名東北入
山東東昌府境至館陶入衛河者其支流也
今則經流幾絕支流日盛蓋自黃河南徙漳
行河之故道漳復南徙以支流為經流亦古
今水道一大變更也

又案漳河水經注亦曰衡水今衡水縣古時
為漳河下流以此得名下文導河云北過洛
水水經注引地理志曰洛水發源也留下亂
章津是乃與章俱得通稱方輿紀要冀州有
洛河枯瀆又漳水至寧晉縣歷南宮冀州衡
水武邑武強又名胡盧河又新河縣長蘆水
即漳河支流也武強縣有夾河洛水別名也
括地志濁漳水亦名柳河歐陽志曰漳河過

欽定四庫全書

五體通考
卷二百一

五

魏縣亦謂之魏水畿輔地圖記謂衡水為直
隸諸河之綱直隸西南諸水莫大於漳與滹
沱而皆入衛錐指謂水濟渠即古之清河漢
志之國水水經之清淇二水曹公自枋頭過
淇水為白溝一名白渠隋導為永濟渠一名
御河今稱衛河者也水經注清河即淇河口
也蓋互受通稱耳又云白溝又東北漳水注
之謂之利漕口自下清漳白溝淇河咸得通

稱也方輿紀要御河源出河南輝縣西北七里之蘇門山過衛輝府東北入直隸大名府濬縣境謂之白溝亦曰通濟渠一名永濟渠即隋大業中所開淇衛諸水之下流也亦曰御河又曰清河靈宇記衛河淇水合流亦曰黎水又曰濬水今全漳皆入衛至山東臨清州合會通河東北入於海

恒衛既從大陸既作

欽定四庫全書

五禮通考卷三百一

五

雖指傳曰二水已治從其故道大陸之地已可耕作正義曰地理志云恒水出常山上曲陽縣東入滹水衛水出常山靈壽縣東入滹沱大陸在鉅鹿縣北釋地十藪云晉有大陸孫炎等皆云今鉅鹿縣廣阿澤也

胡氏渭曰上曲陽今為曲陽縣屬直隸真定府之定州其故城在縣西靈壽縣今屬真定府其故城在縣西北恒即滹水衛即滹沱也古今異名耳

地理今釋恒水一名長溪源出恒山自直隸真定府

阜平縣龍泉關北逕遷流經大泐山為大泐水亦曰

沙水又東南至保定府祁州界合磁河入於唐水唐

水即滹水也衛水今名雷溝河出真定府靈壽縣良

同村南流至縣東南入滹沱河大陸一名廣阿澤跨

今直隸保定府東鹿縣元和志大鹿澤一名鉅鹿澤在順德府鉅鹿縣元在邢州鉅鹿縣西北五里真定府隆平縣通

趙州昭慶縣有大陸澤元和志廣寧縣明一統志阿澤在趙州昭慶縣東二十五里

趙州昭慶縣有大陸澤元和志廣寧縣明一統志阿澤在趙州昭慶縣東二十五里

欽定四庫全書

五禮通考卷三百一

五

萌蘆河即深州通典深州陸澤縣禹貢大陸澤在此大陸澤元和志深州陸澤縣南三里即大陸

澤上承滹沱滄陽漳唐諸河水匯為巨浸又東北流

為新漳河至大城縣為子牙河至天津衛入海漢書

溝洫志禹之行河水本隨西山下東北去鉅鹿正在

西山之下自是大河所經程大昌以為鉅鹿去河絕

遠未嘗遷邢以行非也當從孫炎之說為是

胡氏渭曰周禮職方氏并州山鎮曰恒山其川庫池

嘔夷嘔夷即後世所謂滹水也山海經曰高是之山

滏水出焉東流注於河漢志代郡靈邱縣下云滏河

東至文安入大河文安屬勃海郡東字記云文過郡安故城在今縣東北三十里

五行九百四十里并州川禮記晉人將有事於河必

先有事於惡池注云惡當為庫字誤也山海經曰大

戲之山滹池之水出焉戰國策蘇秦說燕曰南有噤

沱易水漢志代郡鹵城縣下云庫沱河東至參合入

庫沱別并州川從河東至文安入海過郡六行千三

百七十里參合當作參戶蓋傳寫者因郡有參合而誤參合在漢雁門郡平城縣東今大同府

欽定四庫全書

五禮通考

卷二百一

陽和衛北鹵城與參合大山隔絕庫沱不得至其地

今河間府青縣南有參戶故城應劭云平舒縣西南

五十里有參戶亭故縣也水經注漳水自成平縣南

又東北左會庫沱別河故瀆又東北合清河又東北

逕章武故城西枝瀆出為穢水又東北逕參戶亭北

為二瀆一水逕多支瀆北又東北逕平舒縣注庫沱

蓋即漢志所謂東至參戶入庫此即禹貢之恒衛也

沱別從河東至文安入海者也然禹主名山川曲陽以下之滏本名恒靈壽以下之

漳沱本名衛其出高是泰戲者則恒衛之別源也自

周以庫池嘔夷為并州之川其名著而恒衛之名遂

委當之蔡氏因目恒衛為小水而經義不可通矣

滏水出代郡靈邱縣西北高氏山即嘔夷之水也以

今輿地言之渾源靈邱唐昌並屬山西大同府曲陽屬直隸

唐縣定州慶都祁州博野蠡縣高陽安州新安並屬保定府

府任邱屬河間府文安屬順天府諸州縣界中皆古滏水之所

行也宋初猶未改自咸平中何承矩興塘泺以限契

丹戎馬之足於是始引水歸北而文安之瀆遂空其

後滏水仍自蠡縣改流經肅寧河間雄縣任邱以至

欽定四庫全書

五禮通考

卷二百一

文安而不復北行明時則又自雄縣改流入霸州保

定界為玉帶河不復入文安矣此恒水下流變徙之

大略也 滹沱大川也水經當自為一篇頃閱寰宇

記鎮州真定縣蒲澤下引水經注云滹沱河水東逕

常山城北又東南為蒲澤濟水有梁焉俗謂之蒲澤

口又滋水下引水經云滋水又東至新市縣入滹沱

河又深州饒陽縣枯白馬渠下引水經云滹沱河又

東有白馬渠出焉又瀛州河間縣大浦淀下引水經

